

Nunat Avannarliit Killiit inassuteqaatissatut siunnersuutaa nr. 3/2020 Inatsisartut ilalissagaat Inatsisartunut siunnersuut:

Nunat Avannarliit Killiit Savalimmiuni Landstyremut, Kalaallit Nunaanni Naalackersuisunut aamma Islandimi naalackersuisunut innersuussutigaat sulissutigineqassasoq, Kalaallit Nunaat aamma Savalimmiormiut kattullutik Nunarsuaq tamakkerlugu peqqissuunissamut suleqatigiiffianut ilaasortannngornissaat
(Aallartitat siulittaasuat Pipaluk Lynge-Rasmussen)

Akissuteqaat

(Nunalerinermut, Imminut Pilersornermut, Nukissiutinut Avatangiisinullu Naalackersuisoq)

Siullermeerlugu suliarineqarnera

Naalackersuisuniit Nunat Avannarliit Killiit Siunnersuisooqatigiivisa innersuussutaat nr 3/2020, nunat avannarliit killiit naalackersuisuisa pingasuusut sulissutigissagaat, Kalaallit Nunaat Savalimmiormiullu kattullutik Nunarsuaq tamakkerlugu peqqissuunissamut suleqatigiiffianut ilaasortannngornissaannut Inatsisartut ilaliinissaanut siunnersuummut qujavugut

Naalackersuisut nuannaarutigalugu maluginiarsimavaat Savalimmiormiut ukiorpassuarni Naalagaaffiit peqatigiit nunarsuaq tamakkerlugu peqqissuunissamut Suleqatigiiffianut kattulluni ilaasortannngornissamut kissaataat WHO-p 74-issaannik ataatsimiinnermi maj 2021-mi akuerineqarmata.

WHO-p siunertaraa nunarsuarmi inuit tamarmik peqqinnissaannik siuarsaallunilu illersuinissamik nunarsuarmioqatigiit nunat akornini suleqatigiinnissaq. Ukiuni marlungulersuni Kalaallit Nunaanni nualluussuup Covid-19-ip atuunnerani inooqataanitsinni nunarsuarmioqatigiit peqqinnissaq pillugu suleqatigiinnerani pitsaasumi suleqataanissarput qanoq pingaaruteqartiginersoq takusinnaavarput.

Kalaallit Nunaanni Namminersornermut inatsimmi atuutsitsilernerme aammalu WHO-mik isumaqatigiissummi kattulluni ilaasortannngorniarsinnaanermik periarfissaqareerpoq.

WHO-mut kattulluni ilaasortaaneq aningaasanik annertuunik atuiffiusinnaavoq. Piffissamilu matumani peqqinnissaqarfiup iluani aamma nunanut allanut suliaqarfimmi aningaasat annikiffianni, kattulluni ilaasortannngorsinnaaneq isiginiarneqassaaq aningaasat sunniutilimmik toqqaannarnerusumillu WHO-p suleqatigineranut atorneqartarnunut. Naalackersuisullu tamanna siunertaralugu suliaq misissussavaa.

Taamatut oqaaseqarluta siunnersuutip akuerineqarnissaa Naalackersuisut inassuteqaatigaat.